

# A PÇOL GÂN WUN SËB KÜ A FILEMON

**I** Maa Pçol ban pçö die pç a Yesu Kırısito jūu ní Timoti na i a sì yebé, le seere kurç a Filemon na i a sì badatuo na wú i a sì tötötç ãsuç, **II** na sì mi seere kurç Afya na i a sì yepco, ní Archipus na i a sì soja ãsuç, ní a pupuorbiir bala na ma 'lç a fu yir puor. **III** Wäefü ní nyã'maar na yi a sì Sää Nääñmin ní a sì Soro Yesu Kırısito së, a be a fu së.

**IV** N ma puor Nääñmin yääan sõç jaa, naa ma puor a fu yuor a n Nääñmin suɔrfü pç, **V** bojüu n wõn a fu sçofü fon tara a sì Soro Yesu 'yõç, ní a nõfù fon tara ní a Nääñmin nibe ba jaa. **VI** N suɔrc na Nääñmin ika fu mõç nübür fõs wa mana a sçofü 'yer, na fu tara par bõçfù ní a yelvïel ala sun tara a Kırısito 'yõç. **VII** N yebé, a fu nõfù vën ka n chüe, na a 'yõç ma ãkpëç, bojüu fu 'maan a Nääñmin nibe nyän.

**VIII** A le jūu, in naa tõç che nyää a Yesu 'yõç gba naa kpää fu ika fu tõ a le an seer ika fu tõ, **IX** tiche n suɔrc fu naa a nõfù jūu. Maa Pçol pää in danyõç, naa i nire ban pçö die pç a Yesu Kırısito jūu. **X** N suɔrc fu naa a Onisumorsı na i a maa bie, 'lç le lïeb a n bie a sõç 'lõnõ ban 'yõç ma a bõjorsı. **XI** A sõç kõç, waa dõç tara tõnõ ku fu ε, tiche põpãanyä wú tara na tõnõ ku a fõs ní a maa.

**XII** N tõnõ wú naa, wú in a maa mæ nyää ika wú lïeb wa a fu së. **XIII** In taa nõn ika wú be a

n s̄ē na wō ta de a fō jie sōnō ma ban 'yōō ma a bōjōrsı a 'yer nōō muɔlfō jūu, **XIV** tiche n ba buɔrō ika n maal yele jaa ka maa ba suor fō kaa ε, ka a vila jaa na yi a fō nyāa pō naa taa ı furfō ε. **XV** Amine s̄ē, ala le tōō so ka wō ɳmaa yi a fō s̄ē a bālāa, tiche na won le wa be a fō s̄ē jaa kpo kpo. **XVI** Pōpāanyā waa le chene ı gbāgbaa ε, tiche wō ın gar gbāgbaa, na wō ı yεbe kō fō. Wō ın nire ın nō ka fō mī gba nō, won ı nire nī yεbe a sı Soro 'yōō.

**XVII** A le jūu, ala ı fō nyε man ka n ı a fō tōtōtō suɔ, de wō nītāa a le fun taa sōo de ma. **XVIII** Ala ı wō wa maal fun deer bū wō di fun sān, de puɔ a maa sān pō. **XIX** Maa Poɔl le seere a yele nyā nī a maa māe nūu. In yab fō naa. N kō 'yer 'yer jaa ika a fō māe gba mī di man sān ε. **XX** ɔɔ, n yεbe, vē ka n nyε a tōnō nyā yin a fō s̄ē a sı Soro 'yōō, 'maa a n nyāa a Kırısito 'yōō. **XXI** N bar tīer a fō nee tufu jūu, naa seere kōrō fō bōɔn ika fun maal gar a le ın suor fō ika fō maal.

**XXII** Yele bō'yen na che, choɔr sāan gaa jie bar ma. A yī Nāaŋmīn suɔrfō jūu, n tīer ika won sōo naa ka a nībe banyāna yuo ma a poɔfō die pō, ka n wa a yī s̄ē.

**XXIII** Epafaras na ı a n tō suɔ ban 'mataa pōo a die pō a Yesu Kırısito jūu, puoro fō naa. **XXIV** Ka Maakı mī nī Aristakus nī Demas nī Luka na ı a n taaba tōtōnbō, mī puoro fō naa.

**XXV** A sı Soro Yesu Kırısito wāefō wō be a fō s̄ē.

**A Nāaŋmūn Nətur Oaalaā Gān, Burfuɔr  
Birifor, Southern: A Nāaŋmūn Nətur Oaalaā Gān,  
Burfuɔr New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

---

PDF generated using Haiiola and XeLaTeX on 21 Feb 2024 from source files dated 29 Jan 2022

97b1f1fe-19fd-52d9-9481-ad2a6ade2772